

Kirihaehae

Nā Te Kahautu Maxwell

Haka mō Te Whānau-a-Tūtawake e pā ana ki te tāmoko i a Tangiwai
Delamere mō te pākūhā ki a Kōraurau Te Kani o Taurangamoana.

16 December 2013

Tarari Tararere

Te puke i Rangiora

Hōmai nei te ngutu te pehapeha

Ka reka nei hoki tōku hika

Hika kakau werohia ki raro

Hi aua ko aua koha!

Hi aua ko aua koha!

Pākūhā! Pākūhā!

Haruru tapuwae Tūkairangi

Haruru tapuwae Tūkaiwhenua

Haruru tapuwae Tūkaimaunga

Haruru tapuwae Tūkaimoana

Hi aua ko aua koha!

Hi aua ko aua koha!

Pākūhā! Pākūhā!

Mauao he maunga nekeneke ki tai wiwī ki tai wawā
Ka nukunuku ka nekeneke ki Oariki he maunga tū tonu
Tū te ao! Tū te pō! Tūwāhiawa!
Taurangamoana Tarawhinamoana
Ngā pāpaka o Rangataua
Ngā pāpaka o Waipapa
Whakapāpaka i runga i ngā toka
He paruparu te kai
He paruparu te kai
Ngotengote mai koe ki waho
lahaha!
Torohi!
Fart
Kōraurau kua raruraru e tama
Fart!

E kimi ana e rapu ana te tūāporo o te mārātapu o Te Rangikahupapa
Hai takapau mō Tūkairangī
Hai werohanga mā Tūkaiwahine
Mihikiteao
Taku kurupounamu

Taku kōkō Tangiwai

Taku ika kotikoti

Tau tau ki ro waitai

Tarawhinamoana

Taurangamoana

Ko Rauru kītahi

Iahaha!

Kauaehurhia! Kauaetangohia!

Ki te uhi a Mataora

Ki runga o Te Mātere ki runga o Te Renana

Kauaetangohia ki te uhi a Toroa

Ki runga o Kaitōemi

Iahaha!

Kirihaehae ki te iwi pioke

Tāinga ngutu ki te ngārehu manuka

Kotia te kiri ki te kina a Tarawhina

Taku tōtara haemata taku tawatawa titi

Aue tama auahi ana!

Kss hi! Kss hi! Kss Hi!

Te waha o te hīnaki o Hinemōtu

Poapoa mai te kaiherehere o Te Awanui

Hopukia mautia pāwherahia

Kōraurau! Kōraurau!

Rau atu rau mai

Kahurautao

Te umatahunoa Te Rangitetaetaea

Hākaritia kia whiu te puku

Kōraurau! Kahurautao!

I ahaaha!

Ka pakipakia ka whakapapakia hōmai tunua te ure ki te ahi

Tau rawa mai koe ki Tauranga ki Maunganui

Ki reira ra koe mihi mai ai ki te whenua

Taku kiri whakaniko

Te kiri o Awanui

Paekura ki tō taringa

Waikanae ki tō ringa

Iahaha!

He aha te kai he tara te kai

Kaitōemi Kaitōemi

Tarahiti tarahiti tarahiti tā

Tarahiti tarahiti tarahiti tā

He aha te kai he tara te kai

Kia koemi! Kia koemi

Tarahiti tarahiti tarahiti tā

Tarahiti tarahiti tarahiti tā

Ki mai ana koe me puru kiri tonu

see so e koha

Ki atu ana hau me sisoi rawa e

see so e koha

Tarahiti tarahiti tarahiti tā

Tarahiti tarahiti tarahiti tā

I tiaria mai tō mata whakarewa

Kia whakatauria te uhi a Wharawhara

Whose face smeared has been adorned with feathers

and tattooed with the pricks of Wharawhara

He paenga whakairo ki roto o Kaiweka

A stranded shoal of tattooed bodies at Kaiweka

Taku kiri whakaniko

Te kiri o Awanui

My richly tattooed ones

With skin adorned the Awanui pattern

Ka kai rā, e aku kanohi

Te kuru mata rerehu

No Te Paewa, me ko Takaroa

Hei te tauahi kino i aku mata

But mine eyes have feasted

On the exquisite lines that adorn

Te Paewa and also Takaroa

And rudely activated are both mine eyes

Kia pēhia mai taku tua ki te kape rāwhiti

Where will I be greeted by the tattooed brow of the east